



МОНГОЛ УЛСЫН ИХ ХУРЛЫН ГИШҮҮНИЙ
АСУУЛГА

14201 Улаанбаатар хот, Сүхбаатар дүүрэг
Жанжин Д.Сүхбаатарын талбай 1, Төрийн ордон
Утас: 26-70-16, Факс: 32-70-16
E-mail: stategreathural@parliament.mn
<http://www.parliament.mn>

2023.11.20 № 33

Төсвийн тогтвортой байдлын тухай болон
Ирээдүйн өв сангийн тухай хуулийн
хэрэгжилтийн талаар

Монгол Улсын Их Хурлын тухай хуулийн 8 дугаар зүйлийн 8.1.13, Монгол Улсын Их Хурлын хяналт шалгалтын тухай хуулийн 6 дугаар зүйлийн 6.1.2, 13 дугаар зүйлийн 13.1 дэх хэсгийг тус тус үндэслэн Улсын Их Хурлын гишүүний бүрэн эрхийн хүрээнд Төсвийн тогтвортой байдлын тухай хууль болон Ирээдүйн өв сангийн тухай хуулийн хэрэгжилтийн талаар Танд дараах асуулгыг тавьж байна. Үүнд:

1. Төсвийн тогтвортой байдлын тухай хуулийн хэрэгжилтийн талаар:

1.1.Төсвийн тогтвортой байдлын тухай хуулийн 16 дугаар зүйлийн 16.3 дахь хэсэг хангагдсан тохиолдолд Төсвийн тогтворжуулалтын сангаас зарлага гарах эрх зүйн зохицуулалттай. Иймд тус сангаас гарсан зарлагууд нь дээрх хуулийн шаардлагыг хангасан эсэх талаар болон хуульд заасан шаардлага хангаагүй зарлага байгаа эсэх талаар;

1.2.Төсвийн тогтворжуулалтын сангийн орлого, зарлага, хуримтлал, үлдэгдлийн 2011-2023 оны байдлаар дэлгэрэнгүй мэдээлэл.

1.3. Алт, зэс, нүүрс, төмрийн хүдрийн дэлхийн зах зээлийн үнийн динамик, борлуулалтын орлогын динамикийг ашигт малтмал тус бүрийн дэлгэрэнгүй мэдээллийг 2011-2023 оны байдлаар ирүүлэх;

1.4.Төсвийн тогтворжуулалтын сангаас АМНАТ болон бусад орлого, хүүгийн орлого, улсын төсөвт шилжүүлгийн зарлагын талаарх мэдээлэл.

2. Ирээдүйн өв сангийн тухай хуулийн хэрэгжилтийн талаар:

2.1.Ирээдүйн өв сангийн тухай хуульд заасан сангийн хөрөнгийн удирдлага, эх үүсвэр, зарцуулалттай холбоотой эрх зүйн зохицуулалтын хэрэгжилтийн талаар;

2.2.Ирээдүйн өв сангийн тухай хуулийн 13 дугаар зүйлийн 13.3-т "Сангийн хөрөнгийн удирдлагыг энэ хуулийн дагуу байгуулагдах Корпораци хэрэгжүүлнэ." гэж

заасан. Үүний дагуу Засгийн газрын 2019 оны 07 дугаар сарын 24-ний өдрийн 303 дугаар тогтоолоор "Ирээдүйн өв сан корпораци" ХХК-г байгуулж, дүрмийг нь баталсан байдаг. Уг сангийн үйл ажиллагааг эхлүүлэх үеийн тохирсон бүтцийг бий болгох, удирдлагын зардлын хязгаарыг тогтоох ажлыг зохион байгуулж ажиллахыг тухайн үеийн Сангийн сайд Ч.Хүрэлбаатарт даалгасан. Иймд хуулийн 13 дугаар зүйлийн 13.3 дахь хэсэг болон Засгийн газрын дээрх тогтоолын хэрэгжилтийн талаарх мэдээлэл;

2.3.Ирээдүйн өв сангийн тухай хуулийн 10 дугаар зүйлийн 10.1-д "Сангийн хөрөнгийн удирдлагыг мандатад заасны дагуу хэрэгжүүлнэ." гэж заасан. Иймд Сангийн сайдын баталсан Хөрөнгийн удирдлагыг мандатад нийцүүлж хэрэгжүүлсэн ажлын үр дүнгийн талаарх мэдээлэл;

2.4.Ирээдүйн өв сангийн тухай хуулийн Сангийн хөрөнгийг удирдахад баримтлах зарчим буюу "Сан хараат бус байх", "Сан ил тод байх", "Сангийн хөрөнгийг зохистой удирдах", "Сангийн хөрөнгийг үр ашигтай удирдах, "Сангийн хөрөнгийн удирдлагын талаар үнэн зөв мэдээллийг олон нийтэд ойлгомжтой, хүртээмжтэй мэдээлж байх" гэсэн заалтуудын хэрэгжилтийн талаарх мэдээлэл;

2.5.2017-2020 оны хооронд Ирээдүйн өв сан нь зөвхөн хуримтлал бий болгох хуулийн зохицуулалттай байсныг хэзээ, хэний саналаар зарлага гаргахаар өөрчилсөн талаар; /Сангийн сайд нь хэн байсан/

2.6.Ирээдүйн өв санд төвлөрсөн нийт орлого, АМНАТ, ногдол ашгийн талаарх дэлгэрэнгүй мэдээлэл; /2017-2023 он/

2.7.Ирээдүйн өв сангийн зарлага, улсын төсөвт шилжүүлсэн, Хүний хөгжлийн сангаас үлдсэн өрийн төлбөр болон тус сангаас шилжсэн өр төлбөрийн талаарх дэлгэрэнгүй мэдээлэл; /2017-2023 он/

2.8.Ирээдүйн өв санд төвлөрсөн үлдэгдэл мөнгөнөөс ханшийн зөрүүнээс алдагдал хүлээсэн эсэх болон хүлээсэн бол хэдэн төгрөгийн алдагдал хүлээсэн талаар;

2.9.Ирээдүйн өв санд хуримтлагдсан орлогоос 2017-2023 онд гаргасан зарлагын талаар;

2.10.Ирээдүйн өв сангийн хуримтлал, үлдэгдэл, мөн үлдэгдэл хөрөнгийг хэрхэн өсгөж байгаа талаарх мэдээллийг 2017-2023 оноор

2.11.Хүний хөгжил сангаас 2017-2019 оны хугацаанд шилжиж ирсэн хэчнээн төгрөгийн өглөгийг хэрхэн барагдуулсан талаар;

2.12."Эрдэнэс Таван толгой" компаниас Ирээдүйн өв санд төвлөрүүлэх ёстой байсан 750 тэрбум төгрөгийг хэзээ, хэрхэн авах талаарх дэлгэрэнгүй мэдээлэл зэрэг болно.

2023000122

Дээрх асуулгын хариуг Монгол Улсын Их Хурлын хяналт шалгалтын тухай хуулийн 13 дугаар зүйлийн 13.2 дахь хэсэгт заасны дагуу ирүүлж, цаашид Улсын Их Хурлын чуулганы нэгдсэн хуралдаанд танилцуулахад бэлтгэхийг Танаас хүсье.

Хүндэтгэсэн,

УЛСЫН ИХ ХУРЛЫН
ГИШҮҮН



Н.АЛТАНХУЯГ

2023000122